

Imesimuliwa pia katika Seera ya Ibn Hisham kupitia riwaya nyengine. Ibn Ishaq amesema: وَحَدَّثَنِي عَاصِمٌ بْنُ عُمَرَ بْنِ قَتَادَةَ أَنَّ الْقَوْمَ لَمَّا اجْتَمَعُوا لِلْبَيْعَةِ رَسُولَ اللَّهِ ﷺ قَالَ الْعَبَّاسُ بْنُ عَبْدِ اللَّهِ بْنِ تَضَلَةَ الْأَنْصَارِيُّ، أَخُو بَنِي سَالِمٍ بْنِ عَوْفٍ: يَا مَعْشَرَ الْخَزَرَجِ، هَلْ تَذَرُونَ عَلَامَ ثِيَابِیْعُونَ هَذَا الرَّجُلَ؟ قَالُوا: نَعَمْ، قَالَ: إِنَّكُمْ ثِيَابِیْعُونَهُ عَلَى حَرْبِ الْأَحْمَرِ وَالْأَسْوَدِ مِنَ النَّاسِ، فَإِنْ كُنْتُمْ تَرَوْنَ أَنَّكُمْ إِذَا نَهَكْتُمْ أَمْوَالَكُمْ مُصِيبَةً، وَأَشْرَافَكُمْ قَتَلًا أَسْلَمْتُمُوهُ، فَمِنْ الْآنَ، فَهُوَ وَاللَّهِ إِنْ فَعَلْتُمْ خَيْرَ الدُّنْيَا وَالْآخِرَةِ، وَإِنْ كُنْتُمْ تَرَوْنَ أَنَّكُمْ وَأَفْوَنَ لَهُ بِمَا دَعَوْتُمُوهُ إِلَيْهِ عَلَى نَهْكَهَ الْأَمْوَالِ، وَقَتْلِ الْأَشْرَافِ، فَخُذُوهُ، فَهُوَ وَاللَّهِ خَيْرُ الدُّنْيَا وَالْآخِرَةِ، قَالُوا: فَإِنَّا نَأْخُذُهُ عَلَى مُصِيبَةِ الْأَمْوَالِ، وَقَتْلِ الْأَشْرَافِ، فَمَا لَنَا بِذَلِكَ بِأَرْسُولِ اللَّهِ إِنْ الْجَنَّةُ. قَالُوا: أَيْسَرُ يَكْ، فَيَسِّرْ يَدَهُ فَبَايَعُوهُ: نَحْنُ وَقَبِيلَا (بِذَلِكَ)؟ قَالَ: Aasim bin Umar bin Qatadah amenihadithia kwamba pindi watu walipokusanyika kwa ajili ya kutoa kiapo cha utiifu kwa Mtume wa Mwenyezi Mungu ﷺ, Al-Abbas bin Ubadah bin Nadlah Al-Ansari, kutoka kabila la Banu Salim bin Awf alisema: “Enyi watu wa Khazraj. Je! Munajua asili ya ahadi yenu kwa mtu huyu?” Wakasema, Ndiyo. Akasema: “Nyinyi mnaahidi kupigana vita dhidi ya watu wekundu na weusi. Ikiwa mnadhani mali yenu itakapopungua na watukufu wenu wakauawa, mtamuacha, basi ni bora kufanya hivyo sasa. Wallahi, mkifanya hivyo ni fedheha duniani na Akhera, lakini mkidhani kuwa mtatekeleza ahadi yenu kwake licha ya kupoteza mali na kuuwawa watukufu wenu, basi mchukueni, kwani Wallahi hiyo ndiyo kheri ya dunia na Akhera.” Wakasema: “Tutamchukua licha ya upotevu wa mali yetu na kuuwawa kwa watukufu wetu. je, malipo yetu ni nini ewe Mtume wa Mwenyezi Mungu tukifanya hivyo?” Akasema, “Pepo”. Wakasema: “Nyosha mkono wako.” Akaunyosha mkono wake, nao wakampa kiapo cha utiifu kwake.”

Na huu ndio wakati ambao Ummah unapitia leo. Unafikiri na kupiga hesabu, ujtafakari na kupima uwezo wake, kisha kuutazama ulimwengu na kutathmini uwezo wake. Unahisi matumaini na wasiwasi, ukijiuliza: Je, unaweza kutangaza Uislamu kama mradi wa kisiasa? Au lazima uafikiane na Magharibi na vibaraka wake?

Nchi za Magharibi na vibaraka wake zinautishia kwa umaskini, vikwazo, na kifo! Hata hivyo watu wa Ummah huu wanaendelea kupaza sauti zao katika viwanja vya umma, wakitoa wito wa kuregesha kwa Uislamu. Wanatamani maisha ya Kiislamu lakini wanasitasita kufanya uamuzi madhubuti.

Hili limekuwa dhahiri huko Ash-Sham baada ya kuanguka kwa utawala wa mhalifu Bashar na kutoroka kwake kutoka Damascus. Tangu dakika ya kwanza kabisa, tuliona Magharibi yote ikiwa na wasiwasi, ikirudia kuwauliza watu wa Ash-Sham: “Je, mtatabikisha Sharia ya Kiislamu? Je, mtasimamisha Khilafah?”

La muhimu zaidi ni kwamba hili halikomei kwa watu wa Ash-Sham pekee yao. Ummah mzima wa Kiislamu unawatazama watu wa Ash-Sham, ukifikiri nao na kujadiliana nao jambo hilo. Hili limejaza mawimbi ya majukwaa ya mitandao ya kijamii na mijadala miongoni mwa vijana na mabinti wa Ummah kote ulimwenguni wanapotafuta majibu ya maswali haya muhimu.

Kwa hivyo, je, Ummah – na hatumaanishi watu wa Ash-Sham pekee – wataamua kuunusuru Uislamu na kuusimamisha licha ya **“kupungua kwa mali na kuuawa kwa watukufu”**? Au utaakhirisha kwa raundi nyengine tena?

Tangu Mapinduzi ya Kiarabu, Operesheni ya Kimbunga cha Al-Aqsa, na kuanguka kwa mashini ya mauaji ambayo iliachiliwa juu ya watu wa Ash-Sham, vikwazo vya kuregea Khilafah vimeendelea kupungua. Miradi ya uzalendo imeanguka kutoka kwa upendeleo wa Ummah, na hawa hapa watu wa Ash-Sham wakikaribisha kurudi kwa Uislamu kwenye mitaala ya elimu licha ya miaka 60 ya utawala wa kisekula. Kwa kila tukio jipya, Ummah unasogea mbali zaidi na fikra za Kimagharibi na kutafuta kurudisha kitambulisho chake kupitia fahamu za Kiislamu.

Zaidi ya hayo, kwa kila tukio kubwa linaloathiri Ummah, wazo la mipaka ya Sykes-Picot linayumba mbele ya fahamu ya kukomesha mipaka, kama ilivyoonyeshwa waziwazi katika vita dhidi ya Gaza, sherehe za kuanguka kwa dhalimu wa Ash-Sham, na sherehe za kuashiria mwisho wa uvamizi huko Gaza.

Vizuizi vilivyosalia vya kuregea Khilafah sasa hivi ni mabaki tu. Wale wanaozielewa jamii wanajua kwamba kinachotutenganisha na kusimamishwa kwake si chochote zaidi ya uamuzi—uamuzi muhimu kama ule uliofanywa na Ansari (ra) walipochagua kuishi kwa ajili ya radhi za Mwenyezi Mungu (swt) na kufa katika kutafuta Jannah Yake. Mwenyezi Mungu Mtukufu asema:

[قُلْ إِنَّ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ * لَا شَرِيكَ لَهُ وَبِذَلِكَ أُمِرْتُ وَأَنَا أَوَّلُ الْمُسْلِمِينَ]

“Sema: Hakika Sala yangu, na ibada zangu, na uhai wangu, na kufa kwangu, ni kwa ajili ya Mwenyezi Mungu, Mola Mlezi wa viumbe vyote. (162) Hana mshirika wake. Na hayo ndiyo niliyo amrisha, na mimi ni wa kwanza wa Waislamu.” [Al-An’am: 162-3].

Hizb ut Tahrir inaunyoosha mkono wake kwa Ummah na majeshi yake yote kufanya kazi pamoja nasi kusimamisha Khilafah Rashida ya pili kwa njia ya Utume. Tumetayarisha kila kinachohitajika kwa ajili yake. Kwa hivyo fanyeni kazi nasi ili kuufanya mwaka huu kuwa mwaka wa mwisho wa kukumbuka kumbukumbu ya kuvunjwa kwake, na mwaka ujao, kwa mapenzi ya Mwenyezi Mungu, tuanze kusherehekea kurudi kwake kila mwaka.

**Mhandisi Salah Eddine Adadah
Mkurugenzi wa Afisi Kuu ya Habari
ya Hizb ut Tahrir**



Tovuti Rasmi ya Hizb ut Tahrir:
www.hizb-ut-tahrir.org

Tovuti: www.hizb.net
Pepe: info@hizb.net

Tovuti ya Afisi Kuu ya Habari ya Hizb ut Tahrir:
www.hizb-ut-tahrir.info